



REPUBLIKA E KOSOVES REPUBLICA KOSOVA
KOMUNA E OBILIQIT-OPSTIKA OBILIC
DREJTORIA E ADMINISTRATES PERGJITHSHEME
UPRAVA OPSTE ADMINISTRACIJE



Dalës-Izleazna

Nr. 1-15
Br.

Data 20.02.2018
Datum



Republika e Kosovës - Republika Kosovo - Republic of Kosovo
Qeveria - Vlada - Government

Kuvendi Komunal Obiliq - Skupština Opštine Obilić - Municipality Assembly Obiliq

Në mbështetje të nenit 43 dhe 47 të Ligjit për Vetëqeverisjen Lokale nr.03/L-040 dhe nenit 47 dhe 48.3 të Statutit të Komunës si dhe nenit 3.9 të Rregullores së punës së Kuvendit thërras:

Mbledhjen e Kuvendit të Komunës (Legjislatura e VI, mbledhja e IV) me dt.28.02.2018 (e mërkurë) në ora 10:00, në sallën e re të Kuvendit komunal me këtë:

REND DITE

1. Arsyetimi për mungesë
2. Aprovimi i ekstraktit të procesverbalit nga mbledhja e kaluar
3. Rishikimi i vendimeve të Kuvendit komunal të dt.24.01.2018 , me kërkesë të MAPL-së
 - a) Rishikimi i vendimit për formimin e Komitetit për Politikë dhe Financa –(KPF)
 - b) Rishikimi i vendimit për formimin e Komitetit për komunitete-
 - c) Rishikimi i vendimit për formimin e Këshillit Komunal për Siguri në Bashkësi- (KKSBB)
4. Shqyrtimi i kërkesës për iniciimin e procedurës për ndryshim – plotësimin e Rregullores komunale për Tarifa, Ngarkesa dhe Gjoha
5. Ndarja e parcelës për Qendrën e Mjekësisë Familjare në Milloshevë
6. Shqyrtimi dhe miratimi i Planit të Veprimit për reagim ndaj braktisjes dhe mosregjistrimit të fëmijëve në shkollë për periudhën shkurt 2018 deri në dhjetor 2019
7. Bartja e mjeteve buxhetore nga viti 2017 në vitin 2018
8. Formimi i Komisionit për dhënjën e pronës komunale në shfrytëzim
9. Shqyrtimi i kërkesës të Federatës së Futbollit të Kosovës
10. Shqyrtimi i kërkesave
11. Të ndryshme

Kryesuesi i Kuvendit Komunal


Burim Gërguri





Dalës-lizena

Nr. I-04

Data

24.01.2018

Br. 1
OBILIQ-OBILIĆ

EKSTRAKT I PROCESVERBALIT

Nga mbledhja e Kuvendit komunal, të mbajtur me dt.24.01.2018, në orën 10:00, në sallën e Kuvendit komunal.

Të pranishëm janë këta këshilltarë: Burim Gërguri, Labinot Mirena, Enver Gashi, Florije Jashari, Agon Mjekiqi, Qëndresa Dubova, Shaip Paloja, Fatos Kurshumlija, Fatmir Bektashi, Linda Sadiku, Arbnore Nasufi, Hysni Mjeku, Lulzim Sadiku, Samire Berisha, Aziz Bici, Xhezide Dragusha, Armend Rushiti, Nora Preniqi, Dragan Dancetovic, Nazmi Gashi dhe Slavisa Jakovljevic

Të pranishmit tjerë: Xhafer Gashi, Kryetar i Komunës, Ajet Berisha, Nënkryetar i Komunës, Naim Miftari, drejtor i DSHPE-së, Fitore Hashani, drejtoreshë e DKRS-së, Ibush Mjekiqi, drejtor i DSHMS-së, Arben Berisha, drejtor i DMM-së, Zarife Behluli, drejtoreshë e DFEZH, Slavisa Adjancic, shef i ZLKK-së, Drita Hashani, zyrtare ligjore, përf. e OSBE-së, përf. e UNMIK-ut etj.

Mbledhjen e udhëhoqi Burim Gërguri, kryesues i Kuvendit komunal i cili pasi konstatoi se ka kuorum filloi mbledhjen me këtë:

REND DITE

- 1.Arsyetimi për mungesë
- 2.Aprovimi i ekstraktit të procesverbalit nga mbledhja e kaluar
- 3.Formimi i Komiteteve obligative:
 - a)Komiteti për Politikë dhe Financa
 - b)Komiteti për komunitete
- 4.Formimi i Këshillit Komunal për Siguri në Bashkësi (KKSB)
- 5.Propozimi i Kryetarit të Komunës për zgjedhjen e Nënkryetarit për komunitete
- 6.Shqyrtimi i kërkesave
- 7.Të ndryshme

Burim Gërguri – fillimisht para se ta aprovojme rendin e ditës, ftoj z.Labinot Mirena dhe z.Armend Rushitin, që të japin betimin solemn për këshilltarë të Kuvendit komunal.

Këshilltarët e përmendur më lartë dhanë betimin solemn para asambleistëve tjerë të Kuvendit komunal.

Burim Gërguri - i njoftoi të pranishmit me rendin e ditës.

Aziz Bici – kërkoj sqarim rreth pikës së pestë të rendit të ditës lidhur me propozimin e Kryetarit të Komunës për zgjedhjen e Nënkryetarit për komunitete.

Burim Gërguri – sqaron se njëherë e kemi aprovimin e rendit të ditës, pastaj kur vijmë në pikën e pestë do të flasim për këtë çështje.

Aziz Bici – kërkoj që vërejtja ime të pranohet.

Aprovohet njëzërit rendi i ditës me vërejtjen e cekur më lartë.

I.Pika e parë e rendit të ditës – u sqarua

II.Pika e dytë e rendit të ditës –

Aprovohen njëzërit ekstraktet e procesverbaleve nga mbledhjet e kaluara.

III.Pika e tretë e rendit të ditës –

Burim Gërguri – ju e kenë para vetes Rregulloren e punës së Kuvendit dhe tash kemi aprovimin e shefave të grupeve parlamentare, kështu që fillojmë me propozime.

Agon Mjekiqi – propozon z.Enver Gashi, shef të grupit parlamentar të AAK-së.

Fatos Kurshumlija – propozon z.Shaip Paloja, shef të grupit parlamentar të LDK-së.

Hysni Mjeku – propozon z.Lulzim Sadiku, shef të grupit parlamentar të PDK-së.

Nora Preniqi – propozoj z.Armend Rushiti, shef i grupit të LB-së dhe Nisma.

Lulzim Sadiku – pyes se grupi parlamentar LB dhe Nisma, në çfarë forme dhe a kanë të drejtë të propozojnë në këtë formë.

Burim Gërguri – sipas Rregullores së punës së Kuvendit grupet ose individë të caktuar mund të lidhen në një grup dhe përfaqësimi i tyre shkon në emër të një grupi, kështu që LB dhe Nisma tani e kanë një përfaqësues si shef i grupit parlamentar.

Xhezide Dragusha - propozon z.Aziz Bici, si përfaqësues i grupit parlamentar të LVV-së.

Burim Gërguri – poashtu i kemi edhe 2 parti serbe, që e kanë nga një përfaqësues dhe siç shihet kemi 4 grupe parlamentare dhe 3 përfaqësime politike në Kuvendin komunal. Unë ju përgëzoj, dhe uroj që tash e tutje me përfaqësuesit e grupeve parlamentare dhe me shefat e këshilltarëve do të jemi në koordinim gjatë këtij mandati 4 vjeçar.

Tani kemi formimin e Komiteteve obligative: Komitetin për Politikë dhe Financa dhe Komitetin për komunitete.

a) Kryesuesi lexon nenin 5,6 dhe 7 të Udhëzimit Administrativ nr.3/2014, që kanë të bëjnë me KPF-në, lidhur me përbërjen dhe kompetencat e tyre. Ne nuk duhet të harrojmë edhe një gjë se edhe pjesëmarrja e gjinisë femërore në KPF është e rregulluar me ligj. Ne e kemi edhe një kërkesë nga zyra për barazi gjinore, që në Komitete të jetë i përcaktuar numri dhe kuota e gjinisë femërore.

Hysni Mjeku – ne duhet të dijmë përbërjen e KPF-së.

Burim Gërguri - propozoj që KPF të jetë prej 7 anëtarëve, nga AAK të jenë 2 anëtarë, LDK, 1 anëtarë, PDK 1 anëtarë, LB bashkë me grupin Nisma të kenë 1 anëtarë dhe 1 anëtarë nga komunitetet

Shaip Paloja – ju e lexuat Udhëzimin Administrativ, por duhet të bazoheni pak edhe në ligj sepse Udhëzimi del dhe bazohet në ligj. Ligji thotë se përfaqësimi i të gjitha komuniteteve duhet të jetë në formën reciproke aq sa është përfaqësimi ose fuqia politike e subjekteve. Në rastin konkret mendoj se AAK-ja dhe LDK-ja, bashkë e përbëjnë mbi 50 % të Kuvendit komunal, kështu që AAK-ja dhe LDK-ja duhet të kenë nga 2 anëtarë në KPF duke u bazuar se AAK-ja, e ka edhe kryesuesin për të cilin e dijmë të gjithë se ai në rastin e caktuar mund ta përdorë votën e dyfishtë. Konsideroj se në këtë rast fokusimi juaj kryesues lind si diskriminim ndaj LDK-së, dhe numri që duhet të përfaqësohet në KPF duhet të jetë nga AAK, 2 anëtarë, nga LDK 2, PDK 1 anëtarë, LB 1, dhe 1 anëtarë nga LVV-ja. Sa i përket komuniteteve, ne e dijmë se komunitetet do të përfaqësohen mjaftueshëm nga Nënkryetari për komunitete. Është pak e tepërt dhe jo logjike LDK-ja, me kaq anëtarë që ka, e dikush me një anëtarë në Kuvend, ta ketë një anëtarë në KPF, prandaj edhe nuk mund të pajtohem me këtë çështje. Kjo nuk është çështje që po dua unë, por është përfaqësim politik, është votë e qytetarëve që ne e kemi obligim të respektojmë ato vota të anëtarëve të Kuvendit, në këtë rast të LDK-së.

Lulzim Sadiku – propozoj në emër të grupit parlamentar të PDK-së, që AAK-ja, ti ketë 2 anëtarë, PDK 2, LDK 1 anëtarë, LVV 1 dhe LB 1 anëtarë dmth KPF-ja, me këtë përbërje ti ketë 7 anëtarë.

Aziz Bici – ne jemi për propozimin paraparak që e kemi dhënë të njëjtë.

Burim Gërguri – kryesuesi i Kuvendit në këtë rast shkon ex officio dhe kështu e ka përcaktue ligji, e jo që kam dashtë unë. Poashtu, edhe pa një përfaqësim të komunitetit në KPF, është diskriminim që kjo nuk ka ndodhë në asnjë mandat.

Shaip Paloja – kryesues të kisha lutë pak se kur është fjala diskriminim duhet të keni pak kujdes sepse këtu nuk po bëhet asnjë diskriminim, por po bëhet fjalë për një fuqi politike në Kuvend. Pra, nuk jemi duke e diskriminuar askend, përkundrazi mendoj se ata janë të privilegjuar se do ta kenë një Nënkryetar për komunitete dhe ky nuk është problem që ne duhet me trajtue. Nëse, dikush diskriminohet apo shkelet atëherë jemi ne me propozimin që e dhatë ju më heret. Propozimi im dhe i kolegëve tjerë është shumë real sepse ligji thotë se përfaqësimi nëpër Komitete duhet të jetë proporcional me fuqinë politike që e kanë në Kuvend, që në këtë rast fuqia politike e AAK-së, PDK-së dhe LDK-së, është ajo që është dhe përfaqësimi duhet të jetë reciprok.

Burim Gërguri – tash i kemi 3 propozime, një që doli nga këshilltarët e grupeve të AAK-së, LB-së dhe të tjerëve, propozimin e LDK-së, e mbështeti PDK-ja, dhe LVV. Tani, propozimin e parë për formimin e KPF-së, e hedhim në votim, kryesuesi shkon ex officio, AAK-ja ti ketë 2 anëtarë, LDK 1, PDK 1 anëtarë, LB 1, dhe SLS 1 anëtarë.

Lulzim Sadiku – vërtetë, po bëhet shkelje shumë e madhe ndaj LVV-së, në këtë rast të mos ketë përfaqësues sepse ne e dijmë se në Komunën e Obiliqit, LVV në zgjedhjet për Kuvend të Kosovës është partia e dytë, kështu që është e vërtetë me numrin që ka të mbetet jashtë KPF-së, nuk është e drejtë.

Burim Gërguri – unë nuk jam duke e lënë jashtë KPF-së, por është Udhëzimi administrativ që e përcakton këtë çështje. Ne e kemi edhe Komitetin tjetër obligativ për komunitete, që besoj se propozimet konkrete do të kalojnë. Unë fillimisht ju thashë se në bazë të Rregullores obligohemi ti përcaktojmë se kush janë grupet parlamentare dhe kush janë përfaqësuesit të zgjedhur në Kuvendin komunal.

Lulzim Sadiku – te grupet parlamentare, vërtetë e pashë se u bë një e padrejtë te LVV-ja, dhe unë nuk di anëtarin e Kuvendit të Nismës që ka dhënë dorëheqje, kështu që kërkoj nëse ai në fakt kalon në LB duhet të japë dorëheqje nga Nisma dhe të kalon andej. Mirëpo, ne nuk e kemi as në procesverbal dhe nuk kemi dëgjuar se ka dhënë dorëheqje nga Nisma, që ti bashkohet grupit tjetër.

Shaip Paloja – prapë po them se po bëhet shumë një padrejtësi ndaj LDK-së dhe unë s'po e kuptoj kryesues ose ma shpjegon mua qysh mundet LDK-ja, me 5 anëtarë me pasë 1 anëtarë në KPF, e dikush tjetër me 1 anëtarë me pasë anëtarin në Komitet, që nuk ka kurrfarë logjike. Te grupi LB-Nisma, është e padrejtë sepse nëse LB-ja, me 2 anëtarë e ka një anëtarë në Komitet atëherë edhe LVV-ja, duhet ta ketë. Këta, mund të bëjnë grup, por nuk i takon këtij subjekti të LB-së, dhe Nismës sepse është e padrejtë. Të lutem sqaroje këtë çështje, me çfarë të drejte ti po na lejon neve të mbetemi me një anëtar në KPF, e dikush me një anëtar të vetëm bëhet anëtar i KPF-së, kur ligji thotë se zgjedhja e Komiteteve bëhet në formën reciproke të përfaqësimit politik në Kuvend.

Aziz Bici – lëvizja e tha se duhet të ketë përfaqësim sa më të madh në këtë Komitet dhe unë i ftoj të gjithë këshilltarët e Kuvendit komunal, pa dallim se përveç që ju takojnë grupeve të partive politike, mbane në mend se keni edhe votën e qytetarëve, ndoshta që ti leni anash interesat sepse LVV-ja, është e dëshmuar se ka koncept, është e dëshmuar për barazi dhe drejtësi. Ju ftoj sinqerisht që këtë ta keni parasysh se të gjitha interesat që janë, krejtë ato që i kërkon kryesuesi i Kuvendit janë në emër të partisë, e jo të koalicionit dhe kjo nuk do të shkon në interesin e qytetarëve.

Burim Gërguri - pikërisht për këtë arsye ua solla Rregulloren e punës së Kuvendit dhe tani shkojmë me propozime për formimin e KPF-së.

Enver Gashi – nga AAK-ja, për anëtarë në KPF janë z.Enver Gashi dhe znj.Qëndresa Dubova.

Lulzim Sadiku –propozon z.Hysni Mjeku, anëtar në KPF.

Nora Preniqi – propozon z.Armend Rushiti nga LB dhe Nisma.

Para votimit të KPF-së, grupi parlamentar i LDK-së, e lëshoi mbledhjen.

Dragan Dancetovic – propozon z.Slavisa Jakovljevic nga SLS.

Pas diskutimeve, këshilltarët me 13 vota “Për” 2 vota “Kundër” dhe 1 votë “Abstenim” morën këtë :

V E N D I M

Formohet Komiteti për Politikë dhe Financa në përbërje prej 7 anëtarëve dhe atë :

- 1.Burim Gërguri,
- 2.Enver Gashi, (AAK)
- 3.Qendresa Dubova, (AAK)
- 4.Gjinia femërore (LDK)
5. Hysni Mjeku, (PDK)
- 6.Armend Rushiti, (LB)
7. - (SLS)

Pas votimit të KPF-së, grupi parlamentar i LDK-së u kthye në mbledhje.

b) Komiteti për Komunitete

Burim Gërguri – në Komitetin për komunitete, do të jenë 9 anëtarë siç ka qenë edhe në mandatin e kaluar dhe tani shkojmë menjëherë me propozime.

Enver Gashi – në këtë Komitet 4 anëtarë janë prej Kuvendit komunal, ndërsa 5 do të zgjedhen me konkurs dhe me këtë rast propozoj që AAK-ja, të ketë 1 anëtarë, LDK 1, PDK 1, dhe LB bashkë me Nismën të kenë 1 anëtarë.

Lulzim Sadiku – propozoj që AAK-ja, të ketë 1 anëtarë, LDK-ja 1 anëtarë, PDK-ja 1, dhe LVV-ja, të ketë një anëtarë në Komitetin për komunitete.

Aziz Bici – edhe një herë ju ftoj të shihni se në çfarë situatë na kanë sjellë partitë politike, kjo s' don koment sepse bëhen kontrata e marrëveshje me kompani të ndryshme për të cilat nuk ka transparencë. Ju po e shihni se çfarë skandale janë duke u bërë dhe mbane në mend se këto vendime që janë duke i marrë partitë e juaja në koalicion me qeveritarë, neve do të na kushtojnë shumë. Ju, qysh ja keni nisë kështu lëre më që s'keni me i përfaqësue interesat e qytetarëve, por më vonë keni me pa edhe ju vetë.

Burim Gërguri – të lutem z.Aziz, përmbaju rendit të ditës.

Aziz Bici – jo, unë jam brenda rendit të ditës, dhe ligji kërkon përfaqësim e ti më heret the diskriminim që më nuk e quan diskriminim, por e quan se je brenda Statutit dhe Rregullores. Mendoj se nuk keni të drejtë dhe më vonë do ta shihni, por do të bëhet vonë, prandaj le të jetë përfaqësimi ashtu qysh e kërkon ligji.

Burim Gërguri – të nderuar asambleistë, ju lutem kur të debatojmë, të debatojmë brenda rendit të ditës sepse kur kemi me shtue diçka, apo me debatue e kemi pikën e fundit të rendit të ditës “Të ndryshme”.

Enver Gashi – propozon z.Agon Mjekiqi, anëtar të Komitetit për komunitete.

Shaip Paloja – kryesues nëse, na lejohet ne emrat do ti sjellim më vonë.

Burim Gërguri – ju lutem z.Shaip, për shkak të vendimit duhet ti sjellni emrat sepse e kemi afatin ligjor për dërgimin e vendimeve në MAPL.

Shaip Paloja - ne më heret dolëm nga mbledhja sepse nuk jemi të kënaqur për arsye të përfaqësimit, jemi të diskriminuar dhe jemi të shkelur

Samir Berisha – propozon z.Lulzim Sadiku, për anëtarë nga PDK-ja.

Armend Rushiti – propozon z.Nazmi Gashi, për anëtar në Komitetin për komunitete.

Pas diskutimeve, këshilltarët komunal me 11 vota “Për” me 10 vota “Kundër” dhe asnjë votë “Abstënim” morën këtë :

V E N D I M

Formohet Komiteti për Komunitete me këtë përbërje:

- 1.Agon Mjekiqi, (AAK)
- 2.Lulzim Sadiku, (PDK)
- 3.Nazmi Gashi, (NISMA dhe LB)

IV. Pika e katërt e rendit të ditës –

Burim Gërguri – tani e kemi formimin e KKSB-së, sipas Udhëzimit Administrativ nr.27/2012, MPB-03/2012 (MAPL).

Pas diskutimeve, këshilltarët komunal me 18 vota “Për” asnjë votë “Kundër” dhe 3 këshilltarë nuk marrin pjesë në votim, morën këtë :

V E N D I M

Formohet Këshilli Komunal për Siguri në Bashkësi (KKSB) në Komunën e Obiliqit.

V.Pika e pestë e rendit të ditës –

Kryetari – ne edhe në të kaluarën e kemi pasë Nënkryetarin për komunitete sepse Komuna jonë është multietnike. Përveç kësaj ne e dijmë se edhe në qeverisjen nacionale ka Ministri të ndryshme, që janë ministra nga komuniteti sërëbë, që konsideroj se këta në vazhdimësi e jepin kontributin e tyre. Ne e shohim si të domosdoshme që të jetë një vazhdimësi meqë Komuna jonë, e ka edhe zyren për komunitete, që ta ketë edhe Nënkryetarin për komunitete z.Slavisia Jakovljevic.

Dragan Dancetovic – lista sërbe në zgjedhjet e kaluara ka treguar seriozitet për komunitetin sërbe, gjë që edhe sivjet e kemi dëshmuar në 2 mbledhjet e kaluara të këtij mandati. Ne kemi pritë në përgatitjen e kësaj mbledhjeje se do të konsultohemi për disa çështje për interesin e komunitetit sërbe, por fatkeqësisht kjo s'ka ndodhë me shpresë se do të bashkëpunonim me të gjithë për ruajtjen e interesave të pakicës sërbe dhe të gjitha komuniteteve në Komunë. Unë do të votoj kundër propozimit tuaj për zgjedhjen e Nënkrjetarit për komunitete.

Shaip Paloja – unë kërkoj vetëm një sqarim, e para a është e paraparë që kandidati për Nënkrjetar për komunitete të jetë ai i cili e përfaqëson dhe ka numrin më të madh të votave në Asamble. E dyta, kandidati që e propozoi Kryetari, a ka të drejtë vote, pasi që është i propozuar ai është dashur të japë dorëheqje dhe mos të jetë pjesë e Asamblesë. Ai nuk ka të drejtë ta votoj vetveten ose dikush të na sqaroj këtë çështje.

Aziz Bici – unë e dëgjova Kryetarin i cili nuk lidhet as me Statutin, as me ligjin, por tha se ashtu ka qenë dhe ashtu do të vazhdohet për me pasë në Nënkrjetarin për komunitete. Edhe njëherë kërkoj sqarim se 10%-in, qysh e parasheh Statuti, sepse mendoj se bazës statistike duhet ti referohemi dmth ta dijmë njëherë se a është brenda Statutit dhe ligjit, apo është vetëm brenda marrëveshjeve që ju si koalicion e keni. Nëse, është e dyta atëherë kërkoj të dijmë se Nënkrjetari për komunitete, cilat të mira ia ka sjellë qytetarëve joshumicë dhe në përgjithësi të gjithë qytetarëve dhe cilat të mira i ka kandidati që e propozoi Kryetari.

Kryetari – ne kemi pasë rastin të bashkëpunojmë në 4 vitet e kaluara me z.Jakovljevic dhe janë projekte të shumta nga MPL-ja, që janë sjellë në Komunën tonë nga OJQ-të, si USAID-i, CDF-i, IOM-i dhe bashkëpunime të ndërsjellta që ka pasë me institucionet e nivelit qëndror. Unë e di se çdo vendim që-ju e merrni do të procedohet në MAPL, dhe ata do ta japin interpretimin se a ka qenë ai vendim i ligjshëm apo i kundërligjshëm.

Aziz Bici – unë e di se Komuna duhet ta ketë zyrën për çështje ligjore.

Hysni Mjeku – besoj se në këtë pikë të rendit të ditës, po humbim kohë tepër sepse mbi të gjitha është një kategori kushtetuese dhe është e drejtë ekskluzive e Kryetarit të Komunës, që ta propozon kandidatin i cili do të jetë Nënkrjetar për komunitete. Unë besoj se më së miri Kryetari e din se sa ka qenë bashkëpunues në objektivat e interesave të qytetarëve, kështu që besoj se grupi parlamentar i PDK-së, do të jetë për propozimin e Kryetarit me të vetmin qëllim se me këtë po e përmbushim një obligim ligjor që rrjedh nga Kushtetuta dhe LVL-ja. Tani, sa kanë qenë votues, e sa nuk kanë qenë këtë e kemi shembull në shumë Komuna tjera, si në Graçanicë e Killokot dmth edhe komuniteti joshumicë në atë Komunë, që janë shqiptarët përfaqësohen sepse është kategori që nuk mundet me i ikë.

Pas diskutimeve, këshilltarët komunal me 12 vota "Për" 7 vota "Kundër" dhe asnjë votë "Abstenim" morën këtë:

V E N D I M

Emërohet z.Slavisa Jakovljevic, Nënkrjetar i Komunës për Komunitete në Komunën e Obiliqit.

VI.Pika e gjashtë e rendit të ditës –

Burim Gërguri – i kemi 3 kërkesa për shqyrtim nga EljesaTerbunja, Daut Mjekiqi dhe Besnik Kastrati dhe meqë KPF-ja, është formuar sot propozoj që këto kërkesa të kalojnë në mbledhjen e ardhshme të KPF-së, të marrim mendimin e Drejtorive përkatëse dhe të vazhdojmë më tutje.

Fatos Kurshumlja – kërkoj që këto kërkesa të na dërgohen bashkë me material qëne të përgatitemi mirë dhe në mbledhje të Kuvendit ti shqyrtojmë ato kërkesa.

Burim Gërguri - pikërisht, kjo është arsyeja që kërkesat të kalojnë së pari në KPF, pastaj në Kuvend, që mos me votue pa ndonjë dokument paraprak.

Aziz Bici – çdo kërkesë duhet të dorëzohet në rendin e ditës të seancës paraprake.

Burim Gërguri – përgjegjen e njejtë ia dhashë edhe z.Fatos Kurshumlja, se kjo është arsyeja që sot nuk po i trajtojmë ato kërkesa.

Agim Spahiu – kërkon nga kuvendarët që të marrin një vendim për ndryshimin dhe plotësimin e Rregullores për ndarjen e bursave për nxënës dhe studentë në Komunën e Obiliqit për disa arsye të cilat i shpjegoi detalisht.

Kryetari – propozoj që në Rregullore të futet edhe një çmim për studentin më të mirë në vit në Komunën tonë dhe ai çmim të titullohet tashmë me emrin e të ndjerit ish kryesuesit të Kuvendit komunal, Adem Preniqi.

Pas diskutimeve, këshilltarët komunal unanimitisht morën këtë :

V E N D I M

Për dhënien në diskutim publik të Draft Rregullores për ndarjen e bursave për nxënës dhe studentë në Komunën e Obiliqit.

Dhe

Me 20 vota “Për” asnjë votë “Kundër” dhe një këshilltar nuk merrë pjesë në votim morën këtë :

V E N D I M

Me propozimin e Kryetarit të Komunës, z.Xhafer Gashi në Rregulloren për ndarjen e bursave për nxënës dhe studentë në Komunën e Obiliqit të përfshihet dhënja e çmimit për studentin më të dalluar të vitit në emër të ish kryesuesit të Kuvendit komunal, tashmë të ndjerit Adem Preniqi.

Të ndryshme –

Nazmi Gashi – unë kam qenë në mandat, por jam tërheqë dhe i vetmi asambleistë në Republikën e Kosovës, që e ka respektue ligjin kam qenë unë, mirëpo nuk pendohem fare sepse kam bërë diçka që është dashur me bë. Të tjerët e kanë vazhdue ashtu si ju ka dhënë mundësia dhe kanë pasë pak durim. Sot rreth meje diçka u përmendën disa paqartësi, por besoj se jam mik, kolegë dhe shok i mirë për ju, kam ardhë me mandat të qytetarit nga subjekti politik Nisma. Mua, nuk më ka ofrue asnjë parti tjetër përveç LB-së, për bashkëpunim dhe cila parti që mu kishte ofrue për me qenë konstruktiv kisha pranue. Unë kam një kërkesë pa kushte, bile kur janë në pyetje çlirimtarët, kur është në pyetje z.Aziz Bici, z.Berisha, z.Hysni Mjeku, unë nuk kam kushte sepse këta te unë janë pa kushte. Unë i kam 2 dëshira, që këto 4 vite të jemi konstruktiv, të marrim një mirënjohje të madhe nga qytetarët se nga Ekzekutivi nuk kërkoj mirënjohje, por Ekzekutivi ka me qenë i detyruar me marrë mirënjohje prej neve. Nëse ne gjatë 4 viteve, marrim mirënjohje prej qytetarëve dhe Ekzekutivi merrë mirënjohje prej neve, atëherë ne kemi me qenë të suksesshëm.

Lulzim Sadiku – kam një kërkesë që të pajisen këshilltarët me kompjuterë dhe pajisje për punë. Mendoj se procedura duhet të filloj tash për telefona, kompjutera dhe me pajisje për punë të Kuvendit komunal.

Dragan Dancetovic – kërkoj që të dërgoni një shkresë në MAPL, në bazë të LVL-së që të shqyrtohet përzgjedhja e Nënkyetarit të Komunës, për komunitete që kjo përzgjedhje të jetë në përputhje me interesat për funksionimin dhe komunikimin në interes të qytetarëve dhe të Kuvendit komunal.

Aziz Bici – shpresoj se në seancat tjera do të respektohen procedurat, Statuti dhe Rregullorja e punës së Kuvendit. Unë i ftoj edhe njëherë të gjithë këshilltarët e Kuvendit komunal pa dallim se cilit subjekt politik i takojnë, mos të shikojmë se kush është i pari, e kush i dyti, por të shikojmë se çka kërkohet në votim dhe cilat janë prioritetet. Sa i përket asaj se çfarë të kaluare kemi, ne mund të kemi simpati ose përshtypje ndaj njëri tjetrit, por informacion të saktë ende nuk kemi sepse për fat të keq asnjë raport nuk është dhënë për neve, i cili është i verifikuar. Unë jam njëri prej atyre që në të gjitha institucionet qoftë komunale apo qendrore, që sa më shpejt të verifikohet e kaluara e të gjitha organizimeve politike dhe jopolitike sepse vetëm ashtu kemi me pa veten se ku jemi dhe çka na pret.

Shaip Paloja – deshta një sqarim lidhur me diskutimin e z.Nazmi Gashi, se nuk është i vetmi ai që ka dhënë dorëheqje, por ka qenë edhe Nënkyetari i atëhershëm z.Hajriz Bektashi, i cili jo që ka dashur me dhënë dorëheqje, por ligji e ka obligue me dhënë dorëheqje. Ne si kuvendarë, kur po vijmë në mbledhje vërtetë nuk po kemi ku me i lënë palltot, kështu që a ka mundësi ne si asambleistë të orientohemi dikund

në një zyre bashkarisht, të vijmë edhe pak më heret pse jo, para se të filloj mbledhja, që të kemi një stabilitet para se të hyjmë në mbledhje.

Kryetari – meqë, jemi duke bisedue për kushtet dua ta njoftoj z.Paloji se ne jemi duke u zhvendosë nga Komuna e vjetër, që faktikisht mundësitë atje i kemi pasë edhe më të dobëta. Këtu, kryesisht është sistem i hapur, por për çdo takim që ju doni me pasë dhe që vlerësoni se është hapësirë e tepërt kjo këtu ku i kryeni aktivitetet, ne i kemi edhe 2 zyre, lartë te Kryetari dhe është një zyre në katin e parë që e shfrytëzojmë për takime të mbyllura. Ju e keni edhe zyrën e kryesuesit, por besoj se në mbledhjen e radhës do të kompletoheni.

Mbledhja përfundoi në ora 11:30'


Bashk.prof.për punë të KK


Azize Zeneli

Kryesuesi i Kuvendit komunal


Burim Gërguri





Republika e Kosovës
Republika Kosova-Republic of Kosovo
Qeveria - Vlada - Government
Ministria e Administrimit të Pushtetit Lokal
Ministarstvo Administracije Lokalne Samouprave
Ministry of Local Government Administration

Për:	Xhafer Gashi, Kryetar i Komunës së Obiliqit Burim Gërguri, Kryesues i Kuvendit të Komunës së Obiliqit	
Kopje	Njësia për Administrimin e Dokumenteve në MAPL Njësia për Administrimin e Dokumenteve në Komunë	
Përmes:	Ivan Todosijević, Ministër i MAPL-së Rozafa Ukimeraj, Sekretare e Përgjithshme e MAPL-së	
Nga:	Fatos Qerimi, Drejtor i Departamentit Ligjor dhe Monitorim të Komunave MAPL	Datë: 31/01/2018 Nr. 020-146
Lënda:	Kërkesë për rishqyrtim të ligjshmërisë së aktit të Kuvendit të Komunës së Obiliqit	
Lloji i aktit:	Vendim i Kuvendit të Komunës	

I nderuar Kryetar,
I nderuar Kryesues,

Në pajtim me Rregulloren e QRK-së Nr. 01/2016 për Shqyrtimin administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 02/2011 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Administrimit të Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 81 të Ligjit Nr.03/L-040 Për Vetëqeverisje Lokale aktin komunal në vijim:

Vendim Nr. 1-09 për themelimin e Komitetit për Politikë dhe Financa
I miratuar më datë më datë: 24.01.2018
I parashtruar për shqyrtim në MAPL më datë: 30.01.2018

Ministria e Administrimit të Pushtetit Lokal, pas shqyrtimit të përmbajtjes së aktit të komunës si më sipër, vlerëson se akti i komunës **është në kundërshtim me dispozitat e legjislacionit në fuqi.**

Mos pajtueshmëritë e aktit të komunës të parashtruar për shqyrtim të ligjshmërisë janë si në vijim:

Nr.	Formulimi në aktin e komunës	Dispozita ligjore me të cilën akti i komunës është në kundërshtim.
1.	Vendim Nr. 1-09 për themelimin e Komitetit për Politikë dhe Financa.	Vendimi Nr. 1-09 për themelimin e Komitetit për Politikë dhe Financa (KPF-së) me të cilin është përcaktuar përbërja e KPF-së prej 7 anëtarëve është në kundërshtim me Ligjin Nr. 05/L-020 për Barazi Gjinore për shkak të <i>"Mos përfaqësimit të barabartë të femrave në këtë trup ndihmues të punës së kuvendit"</i> . Ligji nr. 05/L-020 për Barazi Gjinore në nenin 6 pika 7 dhe 8 ka obliguar se: <i>"Organet legjislative, ekzekutive dhe gjyqësore në të gjitha nivelet, si dhe institucionet tjera publike, janë të obliguara të miratojnë dhe zbatojnë masa të veçanta për të arritur përfaqësimin e gjinisë më pak të përfaqësuar, deri në arritjen e përfaqësimit të barabartë të femrave dhe meshkujve. Përfaqësimi i barabartë gjinor në të gjitha organet legjislative, ekzekutive dhe gjyqësore dhe institucionet e tjera publike arrihet kur sigurohet përfaqësim minimal prej pesëdhjetë përqind (50%) për secilën gjini, përfshirë edhe organet e tyre drejtuese dhe vendimmarrëse".</i> Lidhur me këtë qështje jeni njoftuar paraprakisht nga MAPL, me shkresën Nr. 013-1515 të datës 18.12.2017.

Bazuar në të cekurat më lartë, Ministria e Administrimit të Pushtetit Lokal kërkon nga Kuvendi i Komunës/Kryetari i Komunës që të ndërmarrin veprime konkrete që aktin e komunës ta harmonizojnë me dispozitat ligjore në fuqi, brenda 30 ditësh nga data e pranimit të kërkesës për rishqyrtim të aktit. Ministria e Administrimit të Pushtetit Lokal, mbetet në dispozicion të komunës për çfarëdo sqarimi të mëtejshëm në lidhje me këtë vlerësim.



Dalës-izleznë

Nr. IV-77
Br.

Data 02.02.2018
Datum

OBILIQ-OBILIĆ



Republika e Kosovës- Republika Kosovo- Republic of Kosova
Komuna Obiliq - Opština Obilić - Municipality Obiliq

Data	
Për	Kryesësin e KK-së, z. Burim Gërguri
CC	Kryetarin e Komunës, z. Xhafer Gashi
Permes	Drejtoreshës së DEFZH-së, z. Zarife Behluli
Nga	Udhëheqësi i Sekt. të ekonomisë, z. Daut Mjeku
Lënda	Kërkesë për iniciimin e procedurës për ndryshim – plotësim të Rregullores komunale për tarifa, ngarkesa dhe gjoba

Nga Ju, kërkojmë që të mirret vendim për iniciimin e procedurës për ndryshim – plotësim të Rregullorës komunale për tarifa, ngarkesa dhe gjoba nr.I-150 të dt.26.11.2014, për shkakë të harmonizimit me ligjet në fuqi.

Me respekt !



REPUBLIKA E KOSOVËS
KOMUNA E OBILIQIT-OPŠTINA OBILIĆ
DREJTORIA E ADMINISTRATËS PËRGJITHSHME
UPRAVA OPŠTE ADMINISTRACIJE



Dalës-lizane

Nr. VIII-16
Br.

Data 05.02.2018
Datum

OBILIQ-OBILIĆ

Republika e Kosovës- Republika Kosovo- Republic of Kosova



Kuvendi Komunal Obiliq - Skupština Opštine Obilić - Municipality Assembly Obiliq

Drejtoria për Shëndetësi dhe Mirëqenie Sociale- Direkcija za Zdravstvo i Socijalno Mirotvorno
Department for Health and Sociale Welfare

Datë:	05 Shkurt 2018
Për/Za/To:	z.Burim Gërguri-Kryesuesë i Kuvendit
Përmes/Preko/Throuh	z.Xhafer Gashi-Kryetar i Komunës
Nga /Od/From:	Dr.Ibush Mjekiqi-Drejtor i DSHMS
Tema/Subjekat/Subject:	Kërkesë



I nderuar,

Kërkoj nga ju që të vëni në rend dite marrjen e vendimit për ndarjen e parcelës për ndërtimin e QMF-së në Milloshevë

Përckatmini i zonës ku duhet të ndërtohet QMF-ja është te rrethi i rrugëse magjistrale Prishtinë – Mitrovicë afër lumit Llap ose zonë tjetër.

Sipërfaqja e parcelës duhet te jetë 15 deri 20 ari.

Siperfaqja për ndërtim do të përcaktohet nga Drejtoria për PUKP

Ndërtimi do te kryhet nga donatori OJQ “Qëndresa Kosovare” me fondin e siguruar nga Ambasada e punëve të jashtme të Kuvajtit me të cilin kemi arrin të sigurojm fondin e nevojshëm për këtë qëllim ,hapësira e QMF-së dotë jetë e 300 metra katror dhe punimet duhet të fillojn në gjysmën e dytë të muajit mars.

Me respekt,

DREJTORIA E ADMINISTRATIVES PENSIONALE UPRAVA OPŠTE ADMINISTRACIJE			
Pranuar/Primaljesa: 13.02.2018			
Mj. organizative Org. jehinca XI	Nr. Br.	Shtojcë: Prilog:	Vlera: Vrednost:
-1-	3081		208

Për : Kuvendin Komunal në Obiliq

Nga : Agim Spahiu, Drejtor në DA - Obiliq

Lënda : Kërkesë, për vazhdimin e projektit për Planin e Veprimit për reagim ndaj braktisjes dhe mosregjistrimin të fëmijëve në shkollë, periudhën shkurt /2018 deri në dhjetor/ 2019

Data: 13.02.2018

Fillimisht falenderoj Kryetarin dhe stafin e tij për ndarjen e mjeteve për realizimin e arsimit joformal, njëkohësisht falenderoj edhe ish deputet të cilët votuan unanimitisht në mandatin e kaluar për realizimin e projektit të arsimit joformal të nivelit (1-9)aprovimin e Planit të Veprimit .

Realizimi i projektit ka filluar në janar të 2016-së dhe kishte mandat deri në dhjetor të 2017-së, me vendim të kuvendit. E gjithë puna dyvjeçare ishte shumë intenzive dhe krejtësisht bazuar në Udhëzimit Administrativ për arsimin joformal.

Arsyetim: Projekti per dy vite është realizuar sipas Udhëzimit Administrativ për arsimin joformal, por kemi edhe nje numër të nxënësve në klasët VI,VII,VIII dhe IX-të që duhet ta përfundojn këtë nivel të arsimit .

Buxheti për periudhën shkurt / 2018 deri në dhjetor/ 2019

Emri	Mbiemri	Numri Individual i punëtorit	Bruto paga për muaj	Kontributi pensional i të punësuarit	Bruto paga për dy vite	Orë në javë
a	b	c	d	e=(d*5%)	f=(d*5%)	
xxxxxx	xxxxx	xxxxxxx	125.00	Koordinatorë	2250	20
xxxxxx	xxxxx	xxxxxxx	75	Mësimdhënës	1350	7
xxxxxx	xxxxx	xxxxxxx	21	Mësimdhënës	378	2
xxxxxx	xxxxx	xxxxxxx	43	Mësimdhënës	774	4
xxxxxx	xxxxx	xxxxxxx	64	Mësimdhënës	1152	6
xxxxxx	xxxxx	xxxxxxx	21	Mësimdhënës	378	2
xxxxxx	xxxxx	xxxxxxx	32	Mësimdhënës	576	3
Totali					6858	

Paga për një muaj për gjithë stafin kushtojn 381 euro

Paga për një vitë për gjithë stafin kushtojn 3429 euro

Paga për dy vite për gjithë stafin kushtojn 6858 euro

Raport për gjendjen aktuale të vijuesve në mësimin joformal të nivelit, arsimit fillor dhe i mesëm të ulët

Mësimi joformal është duke u mbajtur në SHFMU" Dr.Ibrahim Rugova" Obiliq dhe është financuar nga DKA –ja prej **15 janari 2016** dhe vazhdon si vijon:

Në ciklin fillor janë **10 nxënës**, gjithsej të komunitetit ashkali të cilët me moshën e tyre mund të integrohen në klasat e rregullta në SHFMU"Pandeli Sotiri"Obiliq, nëpër këto paralele.

Klasa e I -**1 nxënës**

Klasa e III – **3 nxënës**

Klasa e IV – 0

Klasa e V- **4 nxënës**

Klasa e VI – **3 nxënës**

Në ciklin e mesëm të ulët :

Klasa e VIII – **10 nxënës**

Klasa e IX - **3 nxënës**

Edhe **6 nx.** që kanë kaluar moshën **16 vjeçare** do të vijojnë mësimin e përshpejtuar në këto klasa : **3 nx. në kl. 8 dhe 3 nx. në kl.IX.**

Numri total i nxënësve që do të përfshihen në mësimin joformal së paku deri në janar 2019 është **19 nxënës.**

Vlen të theksojmë se deri me tash **4** vijuese të programit shkrim/ lexim bazik pas përfundimit të kl se 5 kanë vijuar me rregull mesimin e përshpejtuar dhe janë në klasen e 8.

17 nxënës e kanë përfunduar klasën e nëntë nga janari i vitit 2016, ndërsa edhe **11** të tjerë të ju nënshtrohen testit të arritshmerisë, pasi kanë përfunduar kl e 9 në nëntor 2017.

Për mbarëvajtjen e mësimit joformal janë të angazhuar gjithsej: 6 mësimdhënës dhe përcjelljen e këtij projekti e ka për detyrë kordinatorja,përkatsisht drejtoresha e shkollës. Mësimi zhvillohet sipas Ligjit në fuqi për arsimimin e të rriturve dhe një vit shkollor zgjatë 18 javë, ndërsa mbahen nga 16 orë mesimore në javë brenda tri ditëve.Ka në vazhdimësi kërkesa nga vijues të rinj për të vazhduar shkollimin e obligueshëm , të cilin e kanë lënë në gjysmë.

Do të ishte një kontribut shumë i madh në luftimin e analfabetizmit.

Me respekt!

Dalës-Izlasno

Nr. IV-82
Br.

Data 16.02.2018
Datum

OBILIQ-OBILIĆ



e Kosovës-Republika Kosovo- Republic of Kosovo
Kuvendi Komunal Obiliq - Skupština Opštine Obilić - Municipality Assembly Obiliq



Data	
Për	Kryesuesin e Kuvendit Komunal z. Burim Gerguri
Nga	Drejtori Zarife Behluli DEF
Lënda	Materiali per bartjen e mjeteve



Ju lutem pranoni maerialin per bartjen e mjeteve nga viti 2017 ne vitin 2018

Zarife Behluli

Drejtor EF

Me Respekt!

Buxheti

Paga dhe medijte	3,664,936.00
Mallra dhe sherbime	367,452.00
Shpenzime komunale	123,000.00
Subvencione dhe transfere	138,799.00
Shpenzime kapitale	1,766,829.00
TOTALI:	6,061,016.00

Projektet	Buxheti		Total Buxheti		Shpenzimi		Total shp. 22 10+21+22	Te Lira 21	Te Lira 22	Total te lira
	10	21	22 10+21+22	10	21	22 10+21+22				
Blerja e inventarit		60,000.00	60,000.00		49,878.72	10,121.28	49,878.72	10,121.28	-	10,121.28
Ndertimi i stacioneve qytetit	10,000.00		10,000.00	9,228.38			9,228.38	-	-	-
Shtruarja e rrugeve me zhavor	40,000.00	28,649.39	68,649.39	40,000.00	28,648.86	0.53	68,648.86	0.53	-	0.53
Ndriqimi publik	180,000.00		180,000.00	179,496.46			179,496.46	-	-	-
Rreg. dhe mirmbajtja e rrugeve	20,000.00		20,000.00	16,413.90			16,413.90	-	-	-
Hartimi i projekteve	14,756.31		14,756.31	13,553.30			13,553.30	-	-	-
Asfaltimi rrugeve rurale dhe tro	326,599.69	178,590.77	505,190.46	317,095.65	86,695.10	33,614.72	437,405.47	91,895.67	5,488.22	97,383.89
Bashkfinacimi	100,000.00	20,000.00	120,000.00	96,174.23	11,385.31	12,572.88	120,132.42	8,614.69	17,272.22	25,886.91
Rregullimi kanalizimit		100,000.00	100,000.00	113,151.84			113,151.84	26,629.90	-	26,629.90
Eksproprijimi		10,000.00	10,000.00		7,931.00		7,931.00	2,069.00	-	2,069.00
Mbjellja e drunjeve	10,000.00	20,000.00	30,000.00	44,610.00	9,999.20	14,610.00	24,609.20	20,000.00	-	20,000.00
Rreg.parqeve shesheve	10,000.00	10,000.00	20,000.00	8,628.29	4,966.00		13,594.29	5,034.00	-	5,034.00
Rregullimi i varrezave		10,000.00	10,000.00		8,137.20		8,137.20	1,862.80	-	1,862.80
Hartat zonale	50,000.00		50,000.00	49,854.00			49,854.00	-	-	-
Renovimi i objekteve QKMF		15,000.00	15,000.00		14,819.95		14,819.95	180.05	-	180.05
Ndertimi i ob. ndihmes QKMF				54,383.43		51,343.66	51,343.66		3,039.77	3,039.77
Inventar per QKMF		6,000.00	6,000.00		5,930.00		5,930.00	70.00	-	70.00
Pajsje mjeksore per QKMF		8,000.00	8,000.00					8,000.00	-	8,000.00
Rregullimi i lapidareve	36,000.00		36,000.00	35,051.29			35,051.29	-	-	-
Shkolla Lajthishtë	153,100.00		153,100.00	144,906.89			144,906.89	-	-	-
Renovimi i shkollave bl.pajsjeve		40,000.00	40,000.00		35,387.60		35,387.60	4,612.40	-	4,612.40
Renov.infrastrukt.shkollore		60,000.00	60,000.00		45,326.17		45,326.17	14,673.83	-	14,673.83
Rreg. oborrir rrethojat e shkollës				7,361.80			7,361.80			
TOTALI:	950,456.00	566,240.16	1,516,696.16	1,675,151.27	920,401.59	372,476.01	1,424,129.34	193,764.15	27,203.37	220,967.52

Bartja e mjeteve sipas obligimeve kontraktuese

Bartja ne projekte kapitale	Bartja ne 2018	
Blerja e inventarit	10,121.28	Bartje
Asfaltimi rrugeve dhe trotuaret	97,383.89	Bartje
Bashkfinacimi	25,886.91	Bartje
Rregullimi kanalizimit	26,629.90	Bartje
Mbjellja e drunjeve	20,000.00	Bartje
Rregullimi i parqeve dhe shesheve	2,967.00	Obligim
Ndertimi i objektit ndihmes ne QKMF	25,097.86	Obligim
Paisje mjeksore per QKMF	8,000.00	Bartje
Renovimi i infrastruktures shkollore	4,880.68	Bartje
TOTALI:	220,967.52	

Bartja ne kategorite tjera	175,642.94	
Pagat ne shendetesi	25,000.00	Obligim
Subvencione zyra e kryetarit	10,000.00	bartje
Subvencione Kultura	11,964.85	bartje
Mallra DSHPE	52,153.85	bartje
Mallra DKRS	10,000.00	bartje
Mallra zyra e kryetarit	10,000.00	bartje
Mallra arsimit mesem	7,000.00	b
Shpenzime Komunale	49,524.24	

Total për bartje nga viti 2017 në vitin 2018:	396,610.46
--	-------------------

PERSHKRIMI	16304	17504	48004	65020	66325	73250	94290	93090	92270	85004	66825	denimet ne trafik	gjobat nga gjykata	TOTALI
	administrata	buxhet dhe financa	planifikim zhvillimor ekonomik	sherbimet katastrale	planifikimi hapsisor	kujdesi primar shendetesor	arsimi-shkolla	arsimi- DUPLIKAT ET	arsimi-qerdhja	participim- kultura	Planifikimi mjedisor			614
														obliq
Certifikata te lindjes	3,186.00													3,186.00
Certifikata te kurores	2,184.00													2,184.00
Certifikata te vdekjes	227.00													227.00
Certifikata te tjera	12,543.00													12,543.00
taksa tjera administrative	828.00		40.00	15,617.00	760.00					832.00				18,077.00
plesmarrije ne tender														-
inspektimi i artikujve ushqimor														60.00
tatimi ne prone		333,394.65												333,394.65
regjistrimi i automjeteve			43,020.00											43,020.00
regjistrimi i biznesit														-
regjistrimi i trashigimis			28,290.00	40,458.00										68,748.00
ndrrimi i destinimit te tokes			160,484.00											160,484.00
verifikimi i dokumenteve te ndryshme	309.00													309.00
pranimi teknik i lokalit			445.00											445.00
taks per ushtirimin e veprimtarise			94,620.00											94,620.00
lic tjera per afazitem			1,800.00											1,800.00
gjobat nga inspektoriat			2,150.00											2,150.00
qiraja nga objektet publike			5,531.00											5,531.00
shfrytezimi i prones publike			5,580.87											5,580.87
reklamat ne pronat publike			1,068.60											1,068.60
Zjarrefikje														-
legalizim i objekteve					3,000.00									3,000.00
leje ndertimi					68,311.51									68,311.51
participimet-SHENDETESIA						20,777.50	23,798.00	67.00	17,466.00	2,930.00				65,038.50
participimet-OERDHIA														-
participim - SHKOLLA														-
participim - KULTURA														-
Planifikimi mjedisor											2,068.00			2,068.00
denimet ne trafik												25,329.50		25,329.50
gjobat nga gjykata													290.00	290.00
	19,279.00	333,394.65	343,089.47	56,075.00	72,071.51	20,777.50	23,798.00	67.00	17,466.00	2,930.00	2,068.00	25,329.50	290.00	917,467.63

Te hyrat vetanake per vitin 2017 kanë qene me buxhet
Jane realizuar

1,044,713.00
917,467.63
127,245.37

87.8 % e realiz.
12.2

Auditimi	12509.25			12509.25			0			
Administrata	Buxheti	10	21	Total buxheti	Shpenzimi	10	21	Total shp.	Te lira 21	Te Lira 22
Pagat	140,885.18			140,885.18	140,885.18			140,885.18		
Shp.jasht vendit	3,352.00			3,352.00	3,352.00			3,352.00		
Shp.telefonis	15,000.00			15,000.00	15,000.00			15,000.00		
Sherbime kontaktuse	22,879.00			24,150.94	22,879.00			24,140.53		10.41
Sherbimet e varrimit	4,678.00	21,717.00		26,395.00	4,678.00		21,717.00	26,395.00		
Paisje nen 1000€	10,000.00			10,000.00	10,000.00			10,000.00		
Furnizime per zyre	16,700.00			16,700.00	16,694.18			16,694.18	(5.82)	
Furnizime pastrimi	5,000.00			5,000.00	4,999.68			4,999.68	(0.32)	
Pety cash	2,000.00			2,000.00	2,000.00			2,000.00		
Avans	4,000.00			4,000.00	4,000.00			4,000.00		
Konkurse	2,000.00			2,000.00	2,000.00			2,000.00		
Dreka zyrtare	5,500.00			5,500.00	5,499.26			5,499.26	(0.74)	
Blerja e inventarit	60,000.00			60,000.00	60,000.00		49,878.72	49,878.72		10,121.28
TOTALI:	231,994.18	81,717.00	1,271.94	314,983.12	231,987.30	231,987.30	71,595.72	304,844.55	(6.88)	10,121.28

Inspekzioni	Buxheti	10	21	Total buxheti	Shpenzimi	10	21	Total shp.	Lira
Pagat	39,743.24			20,897.84	39,743.24			39,743.24	
Paisje per inspektor	2,500.00			2,500.00	2,500.00			2,500.00	
TOTALI:	42,243.24			23,397.84	42,243.24			42,243.24	

Prokurimi	Buxheti	10	21	Total buxheti	Shpenzimi	10	21	Total shp.	Lira
Pagat	11,972.34			11,972.34	11,972.34			11,972.34	
Paisje nen 1000€	1,000.00			1,000.00	1,000.00			1,000.00	
TOTALI:	12,972.34			12,972.34	12,972.34			12,972.34	

Zyra e Kuvendit	Buxheti	10	21	Total buxheti	Shpenzimi	10	21	Total shp.	Lira
Pagat	71,610.03			71,610.03	71,610.03			71,610.03	
Meditjet jasht vendit	1,000.00			1,000.00	1,000.00			1,000.00	
Furnizime per zyre	2,000.00			2,000.00	1,999.19			1,999.19	(0.81)
Avans	1,000.00			1,000.00	1,000.00			1,000.00	
TOTALI:	75,610.03			75,610.03	75,609.22			75,609.22	(0.81)

Financa	Buxheti	10.00	21.00	Total buxheti	Shpenzimi	10.00	21.00	Total shp.	Lira
Paga	73,400.37			73,400.37	73,400.37			73,400.37	
Furnizime per zyre	400.00			2,146.39	399.45			1,021.92	(0.55)
Dreka	600.00			600.00	600.00			600.00	
TOTALI:	74,400.37			76,146.76	74,399.82			75,421.74	(0.55)

DSHPE	Buxheti	10	21	Total buxheti	Shpenzimi	10	21	Total shp.	Lira 21	Lira 22
Pagat	53,180.10			53,180.10	53,180.10			53,180.10		
Rryma	38,000.00		5,000.00	43,000.00	38,000.00		5,000.00	43,000.00		
Uji	5,000.00			5,000.00	5,000.00			5,000.00		
Mbeturinat	57,615.00		3,000.00	60,615.00	57,543.20		3,000.00	60,543.20	(71.80)	
Shp.telefonike	4,500.00			4,500.00	4,500.00			4,500.00		
Sherbime kontraktuse	11,800.00		9,700.00	21,500.00	11,799.84		9,494.87	21,294.71	(0.16)	205.13

Derivate per gjenerator	6,000.00	6,000.00	5,826.56	5,826.56	(173.44)	-
Karurante per vetura	41,000.00	41,000.00	40,846.23	40,846.23	(153.77)	-
Rexhistrimi atomj.	5,000.00	5,000.00	4,996.00	4,996.00	(4.00)	-
Riparimi i automijeteve	13,866.00	4,000.00	17,866.00	3,997.20	(241.66)	2.80
Mirmbajtja e paisjeve	1,200.00	1,200.00	1,152.25	1,152.25	(47.75)	-
Mirembajtja rutinore	16,000.00	16,000.00	16,000.00	15,487.37	-	512.63
Nd.stacioneve qytetit	10,000.00	10,000.00	9,228.38	9,228.38	(771.62)	-
Zhvori	40,000.00	28,649.39	68,649.39	28,648.86	-	0.53
Ndriqimi publik	180,000.00	180,000.00	179,496.46	179,496.46	(503.54)	-
Mirmbajtja e rrugeve	20,000.00	20,000.00	16,413.90	16,413.90	(3,586.10)	-
TOTALI:	503,161.10	66,349.39	497,607.26	65,628.30	(5,553.84)	721.09

	Buxheti	10	21	22	Total buxheti	Shpenzimi	10	21	22	Total shp.	Te Lira 21	Te Lira 22
		22	10+21+22									
Infrastruktura Publike												
Pagat	32,052.09	32,052.09	32,052.09	32,052.09	32,052.09	32,052.09	32,052.09	32,052.09	32,052.09	32,052.09	-	-
Hartimi i projekteve	14,756.31	14,756.31	14,756.31	14,756.31	14,756.31	14,756.31	14,756.31	14,756.31	14,756.31	14,756.31	(1,203.01)	-
Asfaltimi rrugeve	326,599.69	178,590.77	39,102.94	544,293.40	544,293.40	317,095.65	86,695.10	33,614.72	437,405.47	437,405.47	(9,504.04)	5,488.22
Bashkfinacimi	100,000.00	20,000.00	29,845.10	149,845.10	149,845.10	96,174.23	11,385.31	12,572.88	170,132.42	170,132.42	(3,825.77)	17,272.22
Eksproprimi	10,000.00	10,000.00	10,000.00	10,000.00	10,000.00	7,931.00	7,931.00	7,931.00	7,931.00	7,931.00	2,069.00	-
Rregullimi kanalizimit	100,000.00	100,000.00	13,151.84	113,151.84	113,151.84	73,370.10	73,370.10	13,151.84	86,521.94	86,521.94	26,629.90	-
TOTALI:	473,408.09	308,590.77	82,099.88	864,098.74	864,098.74	458,875.27	179,381.51	59,339.44	697,596.22	(14,532.82)	129,209.26	22,760.44

	Buxheti	10	21	22	Total buxheti	Shpenzimi	10	21	22	Total shp.	Te Lira	
		22	10+21+22									
ZLK												
Pagat	47,720.00	47,720.00	47,720.00	47,720.00	47,720.00	47,720.00	47,720.00	47,720.00	47,720.00	47,720.00	-	-
Medijet jasht vendit	1,000.00	1,000.00	1,000.00	1,000.00	1,000.00	998.79	998.79	998.79	998.79	998.79	(1.21)	-
Sherbime kontraktuse	500.00	500.00	500.00	500.00	500.00	500.00	500.00	500.00	500.00	500.00	-	-
Avans	500.00	500.00	500.00	500.00	500.00	499.08	499.08	499.08	499.08	499.08	(0.92)	-
Dreka	500.00	500.00	500.00	500.00	500.00	500.00	500.00	500.00	500.00	500.00	-	-
TOTALI:	50,220.00	50,220.00	50,220.00	50,220.00	50,220.00	50,217.87	50,217.87	50,217.87	50,217.87	(2.13)	-	-

	Buxheti	10	21	22	Total buxheti	Shpenzimi	10	21	22	Total shp.	Te Lira	
		22	10+21+22									
Bujesia												
Pagat	29,984.61	29,984.61	29,984.61	29,984.61	29,984.61	29,984.61	29,984.61	29,984.61	29,984.61	29,984.61	-	-
Subvencione	50,000.00	50,000.00	50,000.00	50,000.00	50,000.00	48,832.89	48,832.89	48,832.89	48,832.89	48,832.89	1,167.11	-
TOTALI:	29,984.61	50,000.00	50,000.00	79,984.61	79,984.61	29,984.61	48,832.89	48,832.89	78,817.50	1,167.11	-	-

	Buxheti	10	21	22	Total buxheti	Shpenzimi	10	21	22	Total shp.	Te Lira	
		22	10+21+22									
Sherbimet katastrale												
Pagat	28,074.33	28,074.33	28,074.33	28,074.33	28,074.33	28,074.33	28,074.33	28,074.33	28,074.33	28,074.33	-	-
TOTALI:	28,074.33	28,074.33	28,074.33	28,074.33	28,074.33	28,074.33	28,074.33	28,074.33	28,074.33	28,074.33	-	-

	Buxheti	10	21	22	Total buxheti	Shpenzimi	10	21	22	Total shp.	Te Lira	
		22	10+21+22									
Urbanizimi												
Pagat	34,810.50	34,810.50	34,810.50	34,810.50	34,810.50	34,810.50	34,810.50	34,810.50	34,810.50	34,810.50	-	-
Hartat zonale	50,000.00	50,000.00	49,854.00	49,854.00	49,854.00	49,854.00	49,854.00	49,854.00	49,854.00	49,854.00	(146.00)	-
TOTALI:	84,810.50	84,810.50	84,664.50	84,664.50	84,664.50	84,664.50	84,664.50	84,664.50	84,664.50	84,664.50	146.00	-

	Buxheti	10	21	22	Total buxheti	Shpenzimi	10	21	22	Total shp.	Te Lira 21	Te Lira 22
		22	10+21+22									
Drejtoria e Ambientit												
Pagat	10	10	10	10	10	10	10	10	10	10	-	-
TOTALI:	10	10	10	10	10	10	10	10	10	10	-	-



Dalës-izlazne

Nr. 11-133

Data 16.02.2018

Br.

Datum

OBILIÇ-OBILIÇ

Për: Kuvendit Komunal Obiliq
Kryetarit, Z. Xhafer Gashi
Prishtinë, 16 Shkurt 2018



KËRKESË PËR MARRJE NË SHFRYTËZIM TË KOMPLEKSIT SPORTIV NË OBILIÇ

Të nderuar Asambleistë, i nderuari Z. Kryetar,

Federata e Futbollit e Kosovës (FFK) është anëtare me të drejta të plota e FIFA-s dhe UEFA-s dhe si e tillë duhet që t'i përmbush të gjitha obligimet e parapara për pjesëmarrje në gara me të gjitha kategoritë e Përfaqësueseve dhe me sitemin unik të edukimit, trajnimit dhe licencimit të të gjitha kuadrove.

Komiteti Ekzekutiv i FFK-së (KE) ka marrë vendim që të investojë dy milionë euro dhe më pas arriti që të përfitojë edhe një milionë euro (gjithsejt 3 milionë euro) në infrastrukturën sportive për një qendër trajnuese dhe kampe të Përfaqësueseve tona të futbollit.

Duke pasur parasysh se komuna e Obiliqit ka një potencial teritorial sportiv brenda kompleksit të lartpërmendur, KE i FFK-së ka vendosur që të parashtrojë këtë kërkesë për marrje në shfrytëzim të kompleksit sportiv për afat kohor prej 25 vitesh, e që është kriter kohor minimal nga UEFA.

FFK obligohet që:

- do të investojë tre (3) mil. Euro në Infrastrukturë dhe kryesisht në stadiumin kryesor, tribinat, ndërtesën e qendrës dhe fushat ndihmëse;
- do të punësojë punëtorët nga Komuna e Obiliqit (për aq sa ka mundësi);
- do të mirëmbajë dhe menaxhojë në tërësi kompleksin;
- do të koordinojë me KK Obiliq manifestimet sportive dhe kulturore të saja pa kompenzim;
- do t'i mundësojë klubit amë të zhvillojë aktivitetin e vet në këtë kompleks, pas marrëveshjes tripartëshe (FFK, KK dhe klub) për shpenzimet e bëra nga ta;

Të gjitha këto dhe detaje tjera do të përshkruhen në marrëveshjen e nënshkruar nga FFK dhe KK Obiliq pas marrjes së vendimit nga Asambleja Komunale në Obiliq.

Kryetari
Fadil Vokrri



TEB

